

佛說無量壽佛名號

利益大事因緣經

新學堂
PDG

葉・尊者摩訶伽耶迦葉・尊者大周
那・尊者名聞迦葉・尊者大淨心志
等・皆如斯等以為上首・又普賢菩
薩・文殊師利菩薩・信淨慧菩薩・
善解脫菩薩等・諸大正士滿足無量
願行・安住不可思議功德之法・智
慧聖明・如是等諸菩薩衆・不可稱

計・即時來會・

爾時世尊告阿難曰・乃往過去久
遠無量無央數劫・有一大比丘・名
曰法藏・值遇無數百千佛・滿足無
量大願・超過諸佛所行之法・彼法
藏比丘・今已成正覺・現在西方清
淨安樂剎・號曰不可思議光無量壽

如來・其佛本願力故・以不可思議
威神力徧滿十方世界・以大音聲宣
布名號功德・是故十方世界一切有
情・聞信其名號功德・即時人正定
位・生清淨安樂佛國・是故有情之
類・縱令在人中以宿報故・或聾盲
喑啞・愚痴狂惡・以其佛光明名號

因緣。皆得解脫。或在三途勤苦之中。受苦無間。以其佛光明名號。因緣。皆蒙解脫。聞其光明名號。若信受若稱名。即時除無量無數劫生死之罪。是故阿難稱彼佛號。若一聲若十聲。乃至百千聲於念念中。在無數化無量壽佛。常護其人。又有

二菩薩。一名觀世音。一名大勢至。
是二菩薩。自為上首。俱諸大菩薩
衆常來護。其人壽終之後。生彼無量
壽清淨安樂國。是故阿難。設有猛火
充滿三千大千世界。必當過至聞信彼
佛名號。是人號火中生白蓮華。是名
不可思議名號利益一大事因緣。其佛

本願力故。十方諸佛皆俱贊譽彼佛名號功德。又稱贊念佛有情之類。是故汝等皆當信受彼佛名號。

世尊告阿難曰。如來所以興出於世間。說彼佛不可思議真實功德光明名號。利益大事因緣。是故我說難值。難見。難得。難聞。若有衆

生。有聞此法者。皆應信順。如法修行。

世尊告阿難曰。彼法藏比丘。為度十方世界一切有情。雖起超世願修無量大行。是本久遠實成本有法身常住。無量壽佛以不可思議威神力故。徧滿十方世界。為教化安立

無數有情。住於無上真實之道。或
為刹利國王轉輪王。或為長者居家
尊性豪貴。或為六欲梵天王等。或
為地獄餓鬼畜生修羅身。常以四威
儀化作一切。阿難彼久遠實成法身
常住無量壽佛者。豈異人耶。今日
世尊我身是也。愍念汝等一切有情

無明大夜闇故。從彼安養無為界。示
現此惡時惡世界中。迦耶王舍等。說
彼佛名號不可思議功德因緣。是謂難
值。難見。難得。難聞。是故若有有
情。聞此經者。皆應信受。如法修
行。

世尊告阿難曰。縱令一切有情。

煩惱惡業・深障重報・彼佛光明名
號・神力無所障礙・是故彼佛號無
礙無對清淨智慧歡喜等・智慧無礙
故・威神力亦無礙・神力無礙故・
大慈悲亦無礙・是故濁惡世一切有
情・若以有礙小智・有疑於佛無礙
智・不可思議智・不可稱量智・大

乘勝智・無等倫最上智・疑惑不信・
以疑惑故・無數多劫中・墮曾婆羅
獄・或人頻陀羅獄・受苦無窮・無
有出期・是故若有有情・正信佛智
者・即時人正定位不退轉阿耨多羅
三藐三菩提・是名不可思議功德名
號利益大事因緣・佛說此經・應時

普大地六種震動。天雨妙花。自然
空中有微妙大音聲。贊嘆彼不可思
議光無量壽清淨佛號。及今日世尊
說大事利益因緣。世尊說此經時。
無量有情發無上正真道意。諸天人
民得阿那含果。諸大菩薩以四弘誓
莊嚴功德。於將來世應成正覺。佛說